



II CONVENIO DE COLABORACIÓN ENTRE O CONCELLO DE VILASANTAR, O CONCELLO DE SOBRADO E O CONCELLO DE CURTIS, PARA A REALIZACIÓN DE ACTIVIDADES ORIENTACIÓN.

Curtis, a 21 de febreiro de 2020

REUNIDOS:

Sr. Alcalde Javier Fco. Caínzos Vázquez. Concello de Curtis.
Sr. Alcalde Luis Lisardo Santos Ares. Concello de Sobrado.
Sr. Alcalde Fernando Pérez Fernández. Concello de Vilasantar.

Todos en nome e representación do seu referido Concello, en virtude do artigo 21 da Lei 7/1985, do 2 de abril reguladora das bases de réxime local (LRBRL) e o artigo 61 da Lei 5/1997, do 22 de xullo, reguladora da administración Local de Galicia (LALGA).

Os reunidos actúan no ejercicio dos seus cargos e, na representación que ostentan, recoñécense capacidade para obligarse nos termos do presente convenio de colaboración e para o efecto:

EXPOÑEN:

Primeiro.-A Lei 7/1985, do 2 de abril, reguladora das Bases do Régimen Local (LRBRL) no seu artigo 25 establece que o Municipio, para a xestión dos seus intereses e no ámbito das súas competencias, pode promover toda clase de actividades e prestar certos servizos públicos contribuír a satisfacer as necesidades e aspiracións da comunidade vecinal. O Municipio exercerá en todo caso, competencias, nos termos da lexislación do Estado e das Comunidades Autónomas.

O artigo 80 da Lei 5/1997, do 22 de xullo, reguladora da Administración Local de Galicia (LALGA), regula que o municipio, para a xestión dos seus intereses e no ámbito das súas competencias, poderá promover toda clase de actividades e prestar todos os servizos públicos que contribuír a satisfacer as necesidades e aspiracións da comunidade de vecinos. O municipio exercerá, en todo caso, competencias nos termos da lexislación do Estado e da Comunidade Autónoma.

Segundo.- O Concello de Curtis é titular dun Centro de Información ás Mulleres (CIM), acreditado conforme ó Decreto 182/2004, 22 de xuño, polo que se regulan e establecen os requisitos para o seu funcionamento.

As funcións dos CIM están recollidas no artigo 4 do devandito Decreto, segundo o cal lles corresponde prestar de xeito permanente un servizo integral de información, asesoramento e apoio ás mulleres, con atención individualizada e tamén grupos de mulleres que colectivamente demanden.



concello de
vilasantar



Terceiro.- Con data 1 de xullo de 2014, foi asinado un Convenio de colaboración por parte de D. Javier Francisco Caínzos Vázquez, Alcalde do Concello de Curtis, D. Jacobo Fernández García, Alcalde do Concello de Sobrado, e D. Fernando Pérez Fernández, Alcalde do Concello de Vilasantar.

Cuarto.- Con data 29 de outubro de 2015, foi asinada a I Adenda a dito convenio, coa finalidade de adapta-lo Convenio ó novo Programa operativo FSE-Galicia 2014-2020.

Quinto-Os Concello de Sobrado e Vilasantar dispoñen de medios materiais e técnicos nun espazo físico axeitado para a prestación presencial do servizo obxecto deste convenio.

Sexto.-A Constitución recolle no artigo 103 que a Administración debe actuar de acordo, entre outros, cos principios de eficacia e coordinación. Nesa liña, o actual escenario de crise económica que afecta tamén aos concellos obriga a impulsar medidas relativas á xestión eficaz e eficiente dos recursos dispoñibles, co obxecto de poder continuar prestando ou prestar os servizos aos cidadáns en condicións de calidade que satisfagan ás súas necesidades, sendo preciso minimizar custos nas actuacións públicas. A prestación dos servizos públicos, o seu fomento e a promoción das actividades esixe un elevado custo, tanto de instalación, adquisición coma de funcionamento e xestión que fai necesaria a colaboración entre distintas administracións locais, coa finalidade de poder prestar aos veciños unha actividade e un servizo que na actualidade se considera imprescindible como medio de mellora nas relacións cos mesmos.

Por outra banda é necesario que ás administracións públicas promovan actuacións tendentes a garantir a igualdade e a calidade de vida dos veciños, implementando fórmulas eficaces e eficientes de xestión pública e boas prácticas, minimizando custos que posibiliten o mantemento da prestación dos servizos.

Séptimo.- Que tanto a LRBRL, como a LALGA e a Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común, recollen ao longo do seu articulado o principio xeral de colaboración administrativa.

Octavo.- Que os Concellos de Curtis, Sobrado e Vilasantar consideran esencial a celebración dun convenio de colaboración que garanta o dereito ás mulleres do ámbito territorial dos citados concellos ó acceso á información xeral e especializada, dun xeito integral, e que promova a igualdade das mulleres e dos homes.

Por todo o exposto, acordan asinar o presente convenio de colaboración en base as seguintes:

CLÁUSULAS:

Primeira.-Obxecto

Constitúe o obxecto do presente convenio o establecemento das condicións polas que se rexerá a colaboración entre os Concellos de Curtis, Sobrado e Vilasantar para a prestación integral do servizo de información ás mulleres no seu ámbito territorial a través do CIM, tendo como obxetivos o proporcionar asesoramento xurídico, psicolóxico e de axente de igualdade; o proporcionar información sobre recursos específicos para mulleres e o colaborar na asistencia integral ás vítimas de violencia de xénero entre outros.

Segunda.-Obxectivos da colaboración.

O presente convenio baséase no principio xeral de colaboración interadministrativa, para a efectividade da coordinación e eficacia administrativa, que se concreta en:

- Prestar de forma eficaz e eficiente o servizo público.
- Minorar os custos antieconómicos da prestación illada.
- Garantir o acceso dos veciños a uns servizos públicos de calidade mediante unha oferta de recursos suficiente e equilibrada.
- Dar resposta ás necesidades da poboación mediante unha axeitada planificación previa.
- Valorizar os recursos dispoñibles.

No desempeño das funcións propias do servizo obxeto do presente convenio garantírase o anonimato na identidade das usuarias, o respeto da súa vontade na busca de solucións alternativas, a gratuidade de tódolos servizos que se presten e o respeto á confidencialidade que garantirá a privacidade das comunicacións.

Terceira.-Ámbito de aplicación.-

O ámbito de aplicación acada o ámbito territorial dos Concellos de Curtis, Sobrado e Vilasantar.

Cuarta.-Funcionamento do servizo

O servizo prestarase polo persoal do CIM de Curtis con carácter permanente neste concello á veciñanza de Curtis, Sobrado e Vilasantar. En Vilasantar existirá un punto de atención á súa veciñanza, co fin de que poidan acceder ó recurso disponible, sen ter que desprazarse ó Concello de Curtis, segundo os seguintes criterios: O asesoramento xurídico e psicolóxico prestarase cunha frecuencia mensual.



concello de
vilasantar



O asesoramento xurídico será de unha hora mínimo e cinco de máximo, e prestarase o último luns de cada mes, en horario que se fixara , de xeito regularizado, agás que sexa necesario cámbialo puntualmente por outro día ou hora.

O asesoramento psicolóxico, vira determinado polo aumento da demanda das persoas usuarias do servizo procedentes do devandito Concello, e a petición do mesmo; fixarase o dia e horas precisas en base a disponibilidade do servizo.

A apertura do punto de información no Concello de Sobrado virá tamén determinado polo aumento da demanda das persoas usuarias do servizo, procedentes do devandito Concello, e a petición do mesmo. De ser o caso, prestarase nas mesmas condicións que no Concello de Vilasantar”.

Quinta.-Obrigas do Concello de Curtis.

O concello de Curtis, para a execución das actuacións obxecto deste convenio comprométese a :

- Garantir a prestación do servizo, mediante o funcionamento permanente do CIM e a asistencia presencial establecido na cláusula cuarta, e de Sibrado de ser o caso.
- Destinar para o CIM persoal especializado cós recursos e medios técnicos necesarios segundo o establecido neste convenio e no Decreto polo que se regula o seu funcionamento.
- Aboar mensualmente os pagamentos ó persoal técnico do CIM derivados da prestación do servizo con carácter permanente no Concello de Curtis e pola súa asistencia ó punto de atención ás mulleres creado no Concello de Vilasantar e de Sobrado de ser o caso.

Sexta.-Obrigas dos Concellos de Sobrado e Vilasantar.

Os concellos de Sobrado e Vilasantar para a realización das actuacións obxecto deste convenio, prestarán colaboración técnica ou administrativa necesaria para elo. Asemade comprométense a destinar un local axeitado con mobiliario e os medios técnicos precisos para o establecemento dun punto de atención que permita a prestación do servizo en óptimas condicións e coas garantías establecidas para as usuarias, por parte do persoal do CIM, no horario determinado ó efecto de asumi-los gastos correntes derivados para o seu correcto funcionamento.

Sétima -Natureza do Convenio

Os concellos de Sobrado e Vilasantar financiarán os gastos correntes directamente vencellados ó funcionamento e manteramento do punto de atención ubicado no seu propio concello, excepto gastos de persoal, que serán asumidos polo Concello de Curtis.



Para a xestión do servizo poderase solicitar a axuda ou a subvención convocada coon carácter anual pola Secretaría Xeral de Igualdade para o desenvolvemento do programa de apoio ós centros de información ás mulleres (CIM). Con este fin o Alcalde do Concello de Curtis actuará en representación dos concellos que asinan o presente convenio e terá poderes suficientes para cumplir as obrigas que, como beneficiario, corresponden aos concellos asinantes. Finalmente o importe da subvención concedida será aplicado para o financiamento dos custos do persoal técnico do CIM assumidos polo Concello de Curtis.

Oitava.-Publicidade e difusión do servizos

Nas oficinas do CIM e no punto de atención figurará de forma visible, un cartel no que se indique que a acción está financiada pola Secretaría Xeral de Igualdade da Xunta de Galicia e polo Fondo Social Europeo cós seus respectivos anagramas tanto contén có seu financiamento.

Novena.-Comisión de seguimento

Para o seguimento, cumprimento e coordinación do convenio, constituirase unha Comisión de Seguimento sen prexuízos das competencias atribuidas aos respectivos Alcaldes, integrada por dous representantes de cada concello, á que podrán asistir técnicos ou técnicas dos mesmos. A Comisión de Seguimento ditará ás súas propias normas de funcionamento, debéndose reunir coa regularidade que acorden as partes.

Décima.-Causas de resolución

O presente resolverase:

- Por denuncia unilateral dunha das partes cun preaviso mínimo de tres meses.
- Por mútuo acordo das partes asinantes.
- Por incumprimento total ou parcial dalgunha das estipulacións que o regulan.
- Polo vencemento do plazo de vixencia.
- Por derogación implícita da suscripción dun novo convenio.

En todo caso non poderá resolverse o convenio ata que transcorra o prazo de prescripción previstos nos artigos 35 e 63 da Lei 9/2007, do 13 de xuño de Subvencións de Galicia, ou o que proceda en aplicación da normativa comunitaria ao estar cofinanciada polo Programa operativo FSE-Galicia 2007/2013 a axuda convocada no ano 2020 para o desenvolvemento do programa de apoio áos centros de información ás mulleres (CIM) da Secretaría Xeral de Igualdade.



concello de
vilasantar



Undécima.-Vixencia

O presente convenio entrará en vigor ó día seguinte da súa sinatura e estenderá a súa vixencia ata a finalización do servizo, quedando polo tanto derogado o I Convenio de Colaboración asinado en data 1 de xullo de 2014 e a I Adenda asinada en 29 de outubro de 2015.

Duodécima.-Natureza do convenio

O presente convenio ten natureza administrativa e as discrepancias que xurdan pola súa aplicación serán resoltas pola Comisión de Seguimento quedando as partes suxeitas á xurisdicción contencioso-administrativa para a resolución de calquera conflicto que puidera xurdir na súa aplicación.

Décimo terceira.-Normativa aplicable

En todo o previsto expresamente polo presente convenio estarase ó disposto na lexislación aplicable segundo a materia obxeto do convenio.

Décimo cuarta.-Xurisdicción competente

As partes someterán as cuestións litixiosas ó coñecemento dos tribunais do orde xurisdiccional contencioso-administrativo.

E en proba de conformidade co expresado neste convenio, asínase polas partes comparecentes, por triplicado exemplar, e para un só efecto, no lugar e data que se sinalan no encabezamento.

Fernando Pérez Fernández

Concello de Vilasantar

Javier Fco. Caínzos Vázquez

Concello de Curtis

Luis Lisardo Santos Ares

Concello de Sobrado

